

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK**

---

Broj: 01-05-783/17/17  
Banovići, 21.04.2017. godine

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03 34/03, 65/13), člana 38. Zakona o pravobranilaštvu Tuzlanskog kantona („Službene novine Tuzlanskog kantona“ br: 4/04, 5/08 i 2/14) i člana 42. Statuta Općine Banovići („Službeni glasnik Općine Banovići“, broj 3/08) Općinski načelnik, obzirom na ukazanu potrebu, raspisuje

**JAVNI OGLAS ZA IZBOR I IMENOVANJE OPĆINSKOG PRAVOBRANIIOCA  
OPĆINE BANOVIĆI**

**I - Naziv pozicije**

Općinski pravobranilac općine Banovići – 1 izvršilac

**II - Opis pozicije**

Općinski pravobranilac obavlja poslove samostalno u skladu sa Ustavom, na osnovu zakona i drugih propisa i općih akata a naročito: predstavlja Pravobranilaštvo, rukovodi njegovim radom, stara se i odgovara za blagovremenost i ažurnost obavljanja poslova u Pravobranilaštvu; koordinira rad i odnose Pravobranilaštva sa drugim organima uprave u okviru općine, te organima i institucijama na različitom nivou organizovanja; zastupa općinu, njene organe i druge subjekte kada je to utvrđeno zakonom, u sudskom i upravnom postupku; vrši poslove pravne zaštite imovine i imovinskih interesa općine i općinskih organa i vrši poslove zaštite imovine i imovinskih interesa pravnih lica koje osniva općina, ako je to aktom o osnovanju predviđeno; pruža stručnu pomoć općinskim organima, službama i ustanovama i pravnim licima koje osniva općina, ako je to aktom o osnivanju predviđeno; daje mišljenje u postupku donošenja akata kojim se uređuju imovinsko-pravni odnosi; preduzima mjere i pravna sredstva radi pravne zaštite imovinskih prava i interesa općine, njenih organa i drugih pravnih lica u slučajevima određenim zakonom; obavlja i druge poslove u funkciji Pravobranilaštva utvrđene zakonom i drugim propisima.

**III – Trajanje mandata**

Općinski pravobranilac imenuje se na period od četiri godine i može biti ponovo imenovan.

#### **IV - Opći uslovi**

Kandidati za imenovanje na poziciju Općinskog pravobranioca dužni su da ispunjavaju sljedeće opće uslove:

- da su državljani BiH,
- da su stariji od 18 godina,
- da su zdravstveno sposobni za obavljanje poslova za koje se kandiduju,
- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objave za popunu upražnjene pozicije,
- da nisu pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nisu članovi političke stranke i da ne obavljaju poslove u organima stranke, političkim udruženjima ili fondacijama koje su povezane sa strankom i da nisu uključeni u bilo kakvu političku ili stranačku aktivnost,
- da nisu članovi organa, zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti F BiH,
- da se protiv njih ne vodi krivični postupak i da nisu osuđivani za krivično djelo koje predstavlja smetnju za imenovanje na upražnjenu poziciju,
- da im pravosnažnom presudom suda nije zabranjeno obavljanje aktivnosti na poziciju na koju se kandiduju.

#### **V - Posebni uslovi**

Pored općih uslova, kandidati za navedenu poziciju treba da ispunjavaju i sljedeće posebne uslove:

- završen pravni fakultet - VII stepen stručne spreme – odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS,
- položen pravosudni ispit,
- posjeduju iskustvo u radu na poslovima zastupanja pred sudom, odnosno imovinsko-pravnim poslovima, u trajanju od najmanje tri godine nakon položenog pravosudnog ispita, i da su radeći na tim poslovima stekli visoki ugled pravnih stručnjaka i posjedovanje najviših moralnih osobina za obavljanje službe pravobranioca.
- posjeduje najviše moralne osobine za obavljanje službe pravobranilaštva,

#### **VI - Potrebni dokumenti**

Uz prijavu, kandidati su obavezni priložiti:

- kraću biografiju sa adresom i kontakt telefonom,
- uvjerenje o državljanstvu BiH (ne starije od 6 mjeseci),
- izvod iz matične knjige rođenih (ne stariji od 6 mjeseci),
- ovjerenu kopiju diplome,

- ovjerenu kopiju uvjerenja o položenom pravosudnom ispitu,
- uvjerenje o radnom iskustvu na poslovima zastupanja pred sudom odnosno imovinskopravnim poslovima u trajanju od najmanje 3 (tri) godine,
- uvjerenje o nevođenju krivičnog postupka (ne starije od 3 mjeseca),
- Uvjerenje da kandidat nije osuđivan za krivično djelo i privredni prestup koji predstavlja smetnju za imenovanje na upražnjenu poziciju (ne starije od 3 mjeseca),
- ovjerenu izjavu kandidata da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja ovog konkursa,
- ovjerenu izjavu kandidata da se na njega ne odnosi član IX.1, Ustava Bosne i Hercegovine,
- ovjerenu izjavu da nije član političke stranke i da ne obavlja poslove u organima stranke, političkim udruženjima ili fondacijama koje su povezane sa strankom i da nisu uključeni u bilo kakvu političku ili stranačku aktivnost,
- ovjerenu izjavu kandidata da nije član organa, zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti FBiH

Dokumenti koji se prilažu uz prijavu moraju biti originali ili ovjerene kopije.

Kandidat koji bude izabran obavezan je dostaviti uvjerenje o zdravstvenoj sposobnosti za obavljanje posla.

## **VII - Podnošenje prijave**

Prijave sa potrebnom dokumentacijom se dostavljaju lično ili preporučenom pošiljkom sa naznakom

„Javni oglas za izbor i imenovanje Općinskog pravobranioca - NE OTVARAJ“ na adresu: Općina Banovići , Ul. Alije Dostovića br. 1, 75 290 Banovići – Komisija za izbor.

Nepotpune i neblagovremene prijave neće se razmatrati.

Kandidati koji uđu u uži izbor bit će pozvani na intervju pred Komisijom za izbor. Kandidati koji ne budu stavljeni na listu sa užim izborom i ne budu pozvani na intervju neće biti razmatrani u daljem procesu imenovanja.

Javni oglas ostaje otvoren 15 (petnaest) dana od dana posljednjeg objavljivanja ovog oglasa, a isti će biti objavljen u dnevnom listu „Oslobođenje“, „Službenim novinama Federacije BiH“ kao i službenoj web stranici općine Banovići.

## **VIII - Ostalo**

Ovaj organ nije u obavezi vratiti dokumentaciju dostavljenu uz prijavu.

Ovaj organ zadržava pravo da u u slučaju ukazane potrebe u bilo koje vrijeme bez posebnog obrazloženja poništi ovaj Oglas.

**OPĆINSKI NAČELNIK**

Husić Midhat, s.r.